

Chavyeje, ó dó^{ou} avri dó^{ou} meoué vën,

Boundzô a vó é méⁱ j-anchyañ d'ëntchyé nó,

Nó vivin tui dé dzò kyé nyoun l'orj chondjya vjvre oun ādzó. Vou^{'éⁱ} poutétre sétanta, vouetanta, nonant'an ou méⁱ, é vou^{'éⁱ} sèrtin-namjñ vecou byin dé tsó^{ou}jé drën vó^{ou}tra vya. Rosalie Ériti (1904-2003), kyé l'a jou peşkyé sin t-an, mé dijje èn patoué : « Drën a vya, d'^{'éⁱ} jou byin a chavouata, ma l'a pa ènpatchya d'inj vyou ! » Avouéⁱ ó córonavirus, i vya l'a tsandjya pó tui. Vou^{'é^{té}} chépara di vó^{ou}tró. I fó^{ou} pa chalj di mijon pó pa inj maādó ! É l'^{'é} poutétre maouijya a conprindre chin kyé che pāché defouça.

I fó^{ou} vó j-acrótyé a chin kyé vó jé tèn a cō, ā joué kyé vou^{'aréⁱ} can tòrnéré i dzò dé révère fou kyé vó anma.

Pó é j-oun, l'^{'é} ócayon dé décroouj é noouéⁱ mooujñ chou ou[']internéte pó còrtèdjyé òna vouārba avouéⁱ é j-infan é é piti j-infan èn é jé vijn chou ou[']écran d'oun natèle ou d'ona tabléta.

Vou^{'é^{té}} pa chóoué ! Tsekyé dzò rechënblé oun pó^{ou} i j-ātró, ma tsekyé dzò l'^{'é} achebèn ócayon dé rémasyé tóté fé é tui fou kyé vó jé jdzon ā mijon ou a Tsanbòte. Outòr dé vó, i l'a tó plin dé chotèn é dé beoué tsó^{ou}jé pó kyé vou[']açché mouin a counpara.

Pó pacha ó tin, oudrô vó jé démanda dé mé idjyé a rétroua é noun di rloua dé Chavyeje é a éspēja āvoue chon. Vó prindre oun papē é vó nóta chou tó chin kyé tōrne èn memoujre. Chondjyé a tui é couèn é é cāró kyé vó cónyétre, āvoue vou^{'éⁱ} vecou, trāla, promena... Chondjyé ou tin can vó trālīé a canpanye, can vó fajjé é fin ou can vó vajjé apréⁱ ou^{'éⁱ}voue oubèn can vó partjé a pya ba i vènyé, inā ou Mèjn dā Dzō, amou i mèn damou é tany'ina èn Sénjñ. Rapeoua-vó di noun di tèrjñ (tsan, pra, vènyé, mótéⁱ, chéⁱ, dzō, cōrté, crété, comoun...). Vou^{'é^{té}} é myó plachya pó fèré ché traó kyé cōté ! Che rechouēñj balé a fōche d'avanchyé. Ènvitó achebèn é méⁱ dzoouénó a fèré ché traó !

I fōrtjñ l'^{'é} d'abetoua i tin dé vouanyé, i tin d'aā defouça. Sti an, fó^{ou} résta kja ā mijon é vouanyé dé tsó^{ou}jé kyé fan dou bèn ou cō. Vó jé chouétó bon córādzó.

Kyé i Boun Djyo vó j-acounpanyé ! Contenooujñ a nó j-apouéé é j-oun chou é j-ātró é tui ènsjñbló capónjñ pa !

Anne-Gabrielle

Écouter la lettre sur www.bretzheritier.ch
ou scanner le QR-code.

